

## Paerewa Paetae

<b>Aronga</b>	Ngā Mahi a te Rēhia 2.1		
<b>Ingoa</b>	Te whakamātau i ngā pūkenga toi o ngā mahi a te rēhia		
<b>Kaupae</b>	2	<b>Whiwhinga</b>	4
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Ngā Toi19 Whiringa-ā-rangi 2015		
<b>Mana rēhita</b>	Kua rēhitatia	<b>Te rā i mana ai</b>	8 Hakihea 2015
<b>Te rā e arotakengia ai</b>	31 Hakihea 2018	<b>Te rā i puta ai</b>	19 Whiringa-ā-rangi 2015

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

#### *Ngā Mahi a te Rēhia*

*Ka tūhura, ka whakamātau, ka whakawhiti hōhonu, whakawhiti whānui:*

- *[tūhura] i ōna ake tūmanakotanga;*
- *[mahi, mōhiotanga] i ngā tūmomo mahi me ngā tukanga;*
- *[maioha] i ngā ariā.*

E hono ana ki te Papa Whakaako mō Ngā Toi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te whakamātau i ngā pūkenga toi o ngā mahi a te rēhia.</p>	<p>Hei tohu i te paetae:</p> <ul style="list-style-type: none"> <li>• Ka whakamātau i ngā pūkenga toi o ngā mahi a te rēhia i roto i tētahi kaupapa, horopaki rānei.</li> <li>• Ka whakaatu i te mārama ki ngā tikanga o ngā pūkenga toi o ngā mahi a te rēhia.</li> </ul>
<p><b>Kaiaka</b> He kaiaka te whakamātau i ngā pūkenga toi o ngā mahi a te rēhia.</p>	<p>Hei tohu i te kaiaka:</p> <ul style="list-style-type: none"> <li>• Ka whakamātau i ngā pūkenga toi o ngā mahi a te rēhia kia hāngai tōtika ki tētahi kaupapa, horopaki rānei.</li> <li>• Ka whakamāori i ngā tikanga o ngā pūkenga toi o ngā mahi a te rēhia.</li> </ul>
<p><b>Kairangi</b> He kairangi te whakamātau i ngā pūkenga toi o ngā mahi a te rēhia.</p>	<p>Hei tohu i te kairangi:</p> <ul style="list-style-type: none"> <li>• Ka whakamātau i ngā pūkenga toi o ngā mahi a te rēhia kia hāngai, kia whaitake tonu i roto i tētahi kaupapa, horopaki rānei.</li> <li>• Ka whakawhānui i ngā tikanga o ngā pūkenga toi o ngā mahi a te rēhia kia puta ai he māramatanga.</li> </ul>

**Kōrero Āpiti**

E whai ake nei ngā whakamārama o ngā tino kupu, kīanga rānei:

ka whakamātau i ngā pūkenga toi	Te kōwhiri, te raweke, te whakamahi i ngā pūkenga e tika ana hei whakawhanake whakaaro toi.
ngā pūkenga toi o ngā mahi a te rēhia	Ngā whakaaro arohaehae, wetewete, ngā mahi whakatairite, whakamāori, aromātai, te whakaaro whānui/hōhonu, huritao.
ngā tikanga o ngā pūkenga toi o ngā mahi a te rēhia	Te ahunga mai me ngā tino pūtake o ngā pūkenga toi o ngā mahi a te rēhia.
ka whakamāori i ngā tikanga	Ka āta whakaatu, ki ōna ake whakaaro, i te hāngai o ngā tikanga ki tētahi kaupapa, horopaki rānei.
kia whaitake	Kia puta tonu he hua i te mahi, kia kua e noho hei mahi tūhura noa iho.
kia puta ai he māramatanga	Kia whakatauiratia mai he pēhea te hāngai ki tētahi kaupapa, horopaki rānei.

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233